

東
庵
集

欽定四庫全書

東庵集卷三

元 滕安上 撰

七言律

賡劉吏部賀尊號詩韻

帝座森嚴拂泰階至元中統治華開四時有運天無語
萬國不知春自來采色愧難圖炳日英聲惟竦聽鳴雷
從今一萬餘千歲歲歲長傾萬壽杯

九重春色動裳階寶籙封符玉冊開文武丕膺千歲統

金匱石室
卷三
衣冠森擁萬方來
寵恩滂沛知時雨
虫蟄昭蘇出地雷
聞說天顏深有喜
九重敬為舉臣杯

寄屯田千戶和嘉甫

將家門戶見詩豪
三十金符已在腰
此日屯田趙充國
他年分閫霍嫖姚
令嚴半夜霜初下
氣勇三秋海欲潮
累葉勲庸今到汝
涓埃須答聖明朝

翰林修撰輔伯賢守滑州

文如翻水筆如椽
士論猶推器識先
柳仲官箴有家法

蔡邕書籍得真傳

伯賢閤子靖之甥也

題與久渴朱轡守畫舫宜

居玉署仙

歐陽永叔嘗為滑州通判置畫舫齋

正獵三長修信史瓜期應

不待三年

牛欽夫尹同州

四壁蕭蕭只故然一官隨分任推遷
朱轡皂蓋二千石東郡西州四十年
曾是無心致馴雉肯容煩手觸烹鮮
馬頭青眼相迎處鄭重三峰玉井蓮

送湯善甫從宣慰湯侯淮西之行

修髯如漆過帶鈎津津眉宇明雙眸中探肝膽裂絃直
外觀辭氣繞指柔波濤收斂高岸出英華振落甘實秋
淮西地濶使君好先須賣劔求耕牛

三月晦日雨中

縣齋寂寂若僧家病枕蕭蕭任物華人意但隨窓外草
雨聲無奈樹頭花不因雞唱忘中飯偶見蜂喧記晚衙
可是萊蕪窮令尹金中已報產魚蛙

中書外郎林君一蓄鎮紙石蝦蟆芸軒有詩予

亦同賦三首蝦蟆蓋化石

閣閣跳鳴出碧瀾海風吹結入驚看萬釘痲磊雲根澁
滿腹精神月露寒恥化褰蹠豐蔀屋喜隨蚪蚪上烏欄
補天宰藉媧皇手誰道蒼頑不屬官

金蝦蟆事
見夷堅志

脹腹膨脝飽石脂不鳴那復計公私排風有質安書府

滴水無心近硯池人見彭城蓄霜蟹

劉仲寬秘監
藏石化蟹

我從

皇澗得靈龜

得石化龜張
仲安有銘

座中誰有金華術一叱還生

看共嘻

坎井喧鳴笑蜀川誰教跳躑上青編應羞饒口曾吞月
却許剛腸為補天元鼎陣圖魚復小稚圭鼓吹磬聲懸
幾時洗髓瓊酥出清比夔州背上泉

夔州有蝦蟆石泉
出其背水味甚佳

暮春再到仙林寂然無人因憶覺大中集句以寄

嘗憶林中訪惠持不堪愁坐更相思長廊無事僧歸院
綠葉成陰子滿枝斷送一生惟有酒掃除習氣不吟詩
物情多與閒相稱靜看遊絲到地時

僉鄂省崔允蹈以能復授叅政將歸曹編修顯

祖乞詩

山南門地冠公侯鄂省重臨控上游為相謀猷先得體
報君肝膽要分憂乾坤納納三春雨江漢滔滔萬斛舟
會聽飛來好消息歸鴻行過庾公樓

華不注

城下洋洋萬頃流城頭落落一峰秋大垂神劒波濤湧
雲捲龍旌風雨愁白也高吟出千仞齊來鏖戰幾三周
山靈顧我如相識飛翠扶搖入酒甌

釣突泉

魚龍驚駭鳥飛回
百步遙聞發殷雷
地脉自初無壅結
水心何苦亦崔嵬
雪車直立秋風惡
冰塔寒凝夜月來
安得無塵袖中手
為余摩撫鏡平開

聊城魯仲連廟懷古

棋劫紛紜惜壯圖
區區儀衍果何如
相謀安用千金壽
解難聊揮一箭書
誰從乘桴浮海嶠
永慚舐痔銜秦車
我來弔古祠林下
黃鸝驚飛過故墟

成子欽治堂濟陽私第鹿庵題曰晚翠諸公有

詩命題其後

子欽時為
忻州尹

園花灼灼暫時香鬱鬱相期晚節昌根本百年隨德種
枝條千尺拂雲長自應春意回天地未省人間有雪霜
飲爾髯龍一杯酒與君同醉子欽堂

濟寧懷古

時被
水害

四墉形勢宛如鷗渺渺寒波湛不流屈室半為魚鼈窟

荒臺還有鳳麟洲

漢時鳳集於此春秋西狩獲
麟即其地也文廟有碑紀象

蒼茫不

曉神明意橫潰恐防風雨秋遙望徐州喚蘇二一搏同
此賦黃樓

一鋪疏壚即湧泉四圍廬舍極深淵功思大野乘橈日

灾記黃河沈

去聲

壁年流惡既非歸潤下懷安惟恐失機

先富家巨室多名士乞讀盤庚第二篇

林廟有感呈致道諸公

時襲封未定

遶郭荒山即四鄰欲尋遺跡問耕人蒼麟卧畔三陵古
老檜灰邊萬木春道統何嘗亡世祀聖門自在有忠臣

人心不死遺經在顯顯青天日月新

正月十六日宿徘徊村邢居中別墅村多邢姓

佛寺有隋開皇中碑

隋來千載幾興亡譜姓依依不出鄉桑梓田園有餘敬

柴門煙火澹相望殘隄漫指黃流道斷碣猶留古佛堂

二字徘徊不經見別稱邢氏讀書庄

漢昭原廟號徘徊無亦此地曾建原

廟乎故地以此得名然亦未見出處以俟更考

司業趙李明南歸索詩為賦

玉虛壇畔馬頻嘶風景蕭蕭入別離
傾蓋相逢如昨日急流勇退見今茲
太行盤谷昌黎序倦鳥歸雲靖節辭
但恐無容遂高卧蒲輪重起不多時

夏日退齋書事

衡門豈敢號潛夫野服黃冠樂起居
甌上玄文天地理橋邊黃石帝王書
水非有意為行止雲自無心計卷舒
幸得抱貧俗客少矮床高枕即吾廬

有懷

憶從垂髮失先人，保抱攜持萬苦辛。
三徙終蒙黃卷力，百年不假白頭親。
嘗其旨否嗟何及，生我劬勞是此辰。
除著全歸報全德，敢忘冰蘖奉遺身。

十月朔有懷

號凍啼寒恤犢禽，晝勞井甕夜紉針。
乾坤莫報生成德，霜露何勝悽愴心。
錢紙寒衣十月朔，椒漿薄奠九泉深。
今年不得身親事，遙望松楸淚滿襟。

寄贈鄴下顧良輔

時建三
皇祠

二陸當年讓顧榮鄴中還喜得雲仍文章自有八义手
事業又聞三折肱霧帳香濃朝搗藥雨簷花落夜挑燈
遙知報本崇祠宇欲薦溪毛惜未能

何惠從親按察山東於其行也乞誨言詩以贈
之

衆中恒羨汝惟勤不惜忠規惜重分聖學一傳堯舜禹
人生三本父師君持身切忌欺心事下筆當為載道文
聳壑昂霄吾未老他年日下看卿雲

丁亥二月十二日夜夢先妣宛然如平生覺而
思之兒在於此豈吾母遠來視之耶即取酒南
望一酹不覺涕泗交下感而成詠

松楸拜別淚如泉回首飛雲隔暮天
悽愴煮蒿來夢裏溫慈言笑只生前
十年母逝兒空憶千里兒行母在先
三釜雖榮欲誰事結廬歸去守荒阡

讀吟嘯

綱常為重此身輕耿耿丹心炳日星
自許唐臣有巡遠

不知漢德厭桓靈九原忠血應成碧萬古英名足汗青
讀罷六歌魂不定江風浩浩雨冥冥

胄學端午感懷

萱堂晨起靜無譁和氣熙熙自一家新婦白團薦甘蔗
小兒玉雪抹丹砂藥函預蓄三年艾石燼勻春百草芽

死不相逢生又別繞階愁看蜀葵花

老母以陳石灰和百草芽是晨不語

搗之治金瘡
施人

餞邢君祥少府之丹陽